

73

29. marz

8. gr.

Stofnanir, sem skipta við Innkaupastofnunina, skulu, eftir því sem við verður komið, senda henni áætlun um væntanlegar innkaupaparfir sínar á komandi ári, ekki síðar en 1. desember ár hvert.

Reglugerð þessi, sem sett er samkvæmt lögum nr. 72 5. júní 1947, um Innkaupastofnun ríkisins, öðlast þegar gildi og birtist til eftirbreytni þeim, sem hlut eiga að máli.

*Viðskiptamálaráðuneytið, 29. marz 1952.*

**Björn Ólafsson.**

*Dórhallur Ásgeirsson.*

74

31. marz

## AUGLÝSING

um breyting á reglugerð um fasteignaskatt til Siglufjarðarkaupstaðar, nr. 63 15. apríl 1941.

Í stað orðanna „skattur þessi fellur í gjalddaga 1. júlí ár hvert“ í 5. grein reglugerðarinnar, komi: Skattur þessi fellur í gjalddaga 1. apríl ár hvert.

Reglugerðarbreyting þessi, sem bæjarstjórn Siglufjarðar hefur samþykkt, staðfestist hér með samkvæmt lögum nr. 69 31. des. 1937, til að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 31. marz 1952.*

F. h. r.

**Jónas Guðmundsson.**

*Hallgrimur Dalberg.*

75

31. marz

Staðfesting handhafa forsetavaldsins á skipulagsskrá fyrir „Líknarsjóð kvenfélags Laugarnessóknar“, Reykjavík, útgefin á venjulegan hátt að mandatum af dómsmálaráðherra 31. marz 1952. Skipulagsskráin er þannig:

## SKIPULAGSSKRÁ

fyrir Líknarsjóð Kvenfélags Laugarnessóknar, Reykjavík.

1. gr.

Sjóðurinn heitir Líknarsjóður Kvenfélags Laugarnessóknar.

2. gr.

Sjóðurinn er stofnaður af fjölskyldunni á Laugarnesvegi 50, til minningar um látna systur og mágkonu, Hannveigu J. Einarsdóttur, er dó 7. janúar 1946. Stofnfé sjóðsins er kr. 1000.00.

3. gr.

Tilgangur sjóðsins er að styrkja sjúka féлага eða aðra, sem félagskonur vilja gleðja, þegar þrengir að.

## 4. gr.

Sjóðurinn aflar sér tekna með því að gefa út minningarkort, halda hlutaveltu, basar og þess háttar. 75 31. marz

## 5. gr.

Stjórn sjóðsins skipa 3 konur og jafnmargar til vara. Starfstími þeirra skal vera eitt ár í senn. Kosnar skulu þær vera á aðalfundi félagsins, er halda skal í febrúarmánuði ár hvert. Stjórnin skiptir sjálf með sér verkum. Tveir endurskoðendur skulu kosnir á aðalfundi ár hvert; skulu þeir starfa árlangt eins og stjórnin.

## 6. gr.

Stjórnin skal ávaxta sjóðinn á tryggum stað. Hún ræður úthlutun úr sjóðnum, og heldur fundi svo oft, sem þurfa þykir. Formaður boðar fundi. Einfaldur meiri hluti atkvæða, stjórnar og varastjórnar, ræður úrslitum, þegar taka skal ákvarðanir um gjafir eða styrki úr sjóðnum. Í öðrum málum ræður einfaldur meiri hluti atkvæða aðalstjórnar. Stjórnin leggur fram endurskoðaða reikningi sjóðsins árlega á aðalfundi kvenfélagsins. Skulu reikningarnir miðaðir við almanaksárið. — Stjórnin skal hafa alla forgöngu um fjáröflun til sjóðsins.

## 7. gr.

Beiðni um styrk úr sjóðnum má senda einhverri úr stjórn sjóðsins. Stjórnarmeðlimir mega eiga frumkvæði að styrkveitingum.

## 8. gr.

Styrkveitingar fara fram eftir fjármagni sjóðsins hverju sinni. Ekkert má veita úr sjóðnum fyrr en hann er orðinn kr. 15000.00, og við hann leggist ávallt vextir og vaxtavextir, þar til hann er orðinn kr. 50000.00. Þá upphæð má ekki skerða. — Verðbréf, sem sjóðnum kunna að áskotnast, skulu leggjast við höfuðstól, og fer um ráðstöfun vaxta þeirra, eins og fyrir er mælt um vexti af stofnfé.

## 9. gr.

Hætti Kvenfélag Laugarnessóknar störfum, skal sjóðurinn geymast í vörzlu biskups, þar til annað félag verður endurvakið á sama stað, er starfi að sama marki og samþykki ákvæði skipulagsskrár þessarar í aðalatriðum.

## 10. gr.

Skipulagsskrá þessari má ekki breyta, nema rædd hafi verið á tveim aðalfundum í febrúarmánuði, og fengið  $\frac{4}{5}$  hluta greiddra atkvæða á seinni fundinum.

Reykjavík, 15. febrúar 1952.

Guðmunda Jónsdóttir.

Sigurbjörg Einarsdóttir.

Ásta Jónsdóttir.